


IANI PELVSII

5

CROTONIATAE

ODARVM

LIBRI DVQ



Parmae Typis Erasmi Viothi. M. D. XCII.
Permissu Superiorum.

AD LECTOREM.

*Viri eruditi lumina Palladis
Aeniq; nostri gloria, sepius,
Et curiose qui libellos
Composita recitatis hora
Aut in theatris, aut Academijs:
Si digna vobis non cano carmina,
Nec Pindarum, vatemq; Flaccum
Aemulor vs cupio decore:
Donate flammis si libet, aut mari
Nostras papyros, vel calami unguine
Fedate: nec Crotoniatam
Ellogio decorate vestro.
Non canto acutis iudicijs, quibus
Satis Maronis vix faceret Melos:
Aut vis Homeri: ineruditis
Ingenijs, Genijsq; canto.
Me lance quiuis ponderet, ut volet,
Nil curo: dicar carminis artifex,
Si nec Minerva, nec canora
Destituent mea plectra Musa.*

ODOARDO FARNESIO³

Principi Sereniss. & S. R. E.

Cardinali Ampliss.

IANVS PELVSIVS CROTONIATA

*rectam corporis valetudinem, animiq;
serenitatem.*



ECREVERAM Serenissime Princeps has meas Odas nulla industria, nullo artificio compositas, omni vero ex parte imperfectas, & impolitas, tandiu apud me tenere: quandiu aut limatiores fierent, aut una cum parodijs nostris in Odas, & Epodos Horatij, tanquam Scopæ, aut Phidiæ signa in aspectum, lucemq; proferrentur. Sed quando dum Coluthus & Tryphiodorus admodum lente, & cum multa mora, & tarditate per impressorum negligentiam imprimerentur: feruente adhuc ingenioli nostri vena, & quotidie noua carmina effundente, vsque adeo creuere: vt in duos libros perbelle diuidi posse viderentur: mutavi sententiam, & eas qualescunque essent, sub tuo auspicio, & præclarissimo nomine publicare volui. In quibus omnibus vt tui ingenij claritas, animi magnitudo, & comitas: sic fratris singularis ad omnia dexteritas, & incomparabilis propemodum fortitudo apparebit: & quod primum dictum oportuit: Alexandri patristui, Ducis inuictissimi bella per tot annos in Belgico, & nouissime in Gallia felicissime gesta elucescent. Si tu qui maiorum tuorum vestigia sequeris, & Farnesiana humanitate es apprime præditus, non exoptas, mutati consilij me peniteat, hilari fronte, atque æquo animo, pro tua facilitate accipe hoc litterarium munusculum, præceptoris tui obseruantia monimentum, ac potius obnoxij, & deditissimi animi pignus: illudq; si tale non est, quale fortasse aut esse debet, aut Amplitudo tua postulat, propensiore voluntate pensare dignaberis: & tecum cum

animo tuo cogitabis, perpaucos sane homines sine li-
 brorum supellectili scribere posse aliquid, quod purga-
 tis auribus, acutis ingenijs, & præclaris doctorum viro-
 rum iudicijs satisfaciât. Quod quidem hoc tempore fa-
 tis Mehercule incommode mihi accidit. Nam quum in-
 ter scribendum ut sit, aliqua non parui momenti sub-
 oriebatur dubitatio (suboriebatur autem quam sæpissi-
 me) per quam & facile labi, & in mendum incidere pos-
 sem: ad bibliopolas mihi necessariò erat confugiendû:
 qui quum libros non haberêt, qui dubiorum scrupulos
 qui me male pungebant, & tardiozem faciebant ad scri-
 bendum, mihi omnino euellerent: pendebam animi, &
 maximo dolore affligabar. Malui tamen scriptor ine-
 ptus, atque infans haberi: quam aut ignobilis professo-
 ris officio fungi, aut ab instituto opere turpiter desiste-
 re. Itaque parens necessitati, cui ne Dij quidem (ut est
 in prouerbio) resistunt: hos fœtus quos vix parturiens
 peperit, ad Amplitudinem tuam ea spe, & consilio mit-
 to: ut illos à Momorum petulantia, & calumnijs acer-
 rime tuearis, & defendas. Non deerit sat scio Bauia-
 nus Merula, qui inuidiæ stimulis exagitatus, hæc nostra
 non miniatula cera, sed atro carbone notet. Sed tan-
 tum abest, ut huiusmodi imperiti hominis censuram, &
 obelos extimescam, ut iureiurando audeam affirmare,
 in toto orbe terrarum nullum esse, (de viris doctis lo-
 quor) qui litterarum humanarum sit imperitior, & res
 poëticas quarum (qua est arrogantia) præter ceteros, se
 peritiorem esse iactat, & proficitur; peius intelligat, &
 ineptiora carmina scribat, Tusca dico: Latina nihil mo-
 ror. Nam quum nullo prorsus ingenio sit, nondum no-
 uit, ex quibus pedibus constent. Sed quid multa de hoc
 pulchello litteratore, & egregio poetastro? quem ti-
 rones pariter & veterani milites Mineræ, vna voce, at-
 que vno ore omnes indoctorum virorum regem, & il-
 litteratorum hominum fecem, & sentinam palam dicti-
 tare non erubescunt. Cæterum ne quis falsa interpre-
 tatione deceptus, in se dictum, quod dictum non est, in-
 terpretetur: tibi spondeo, in meque recipio, in primo
 tomo epistolarum mearum qui propediem Dijs huma-
 niorum

maiorum studiorum presidibus edetur: hunc eundem imperitiæ monarcham, & inscitæ architectum suo nomine appellare. Vbi quid sit epistola, & quo stylo, & characterē sit scribenda, non ignorabit. Ait enim sibi genus hoc scribendi meum non probari; & olere nescio quid *Βασαζώταυ*. Quod verū an falsum sit, res ipsa

indicabit viris insigniter eruditis: qui præterquam quid distent æra lupinis exactissime nquere: accuratius singula examinare consueuerunt. Siquis tamen erit, qui amico animo peccatum, siquid peccatum est, me admonuerit, gratias illi agam ingentis: & magnum me ab eo accepisse beneficium confitebor. Zoilos, Bauianos, & ceteros huius farinæ calumniatores susq; deq; habeo. Vale: & tibi persuade me Serenissimæ familiæ tuæ esse deditissimum: qui verò vehementiore amore, & certiore fide Amplitudinem tuam complectatur, Aulicorum, & subditorum tuorum esse neminem. Iterum Vale. Romæ ex ædibus tuis Idibus Iunij: Anno à Christo nato quingentesimo, nongesimo secundo supra millesimum.

AD ODOARDVM FARNESIVM
PRINCIPEM SERENISS.

Et Sanctę Romanę Ecclesię Cardinalem
Amplissimum.

*Ingeni DVARTES cura Quiritium,
Et purpurati dulce decus chori,
Quo prisca gaudens Roma alumno,
Se equiparat Superis: feraces
Dum terret agros stella Caniculę,
Dimitte patris multa negotia,
Agrisq; membris dans quietem,
Te recrea Aonio sub antro:
Hicq; irretorto lumine perlege
Odas, magister quas tuus edidi
Non absque Musis in Latymno,
Qui imminet Aesareę Crotoni.
Musa sonanti sydera dant Ioui,
Dant ampla Auerni regna Proserpine:
Neptunus illarum fauore
Aequoreas equitas per undas.
Quis gesta nosset bella sub Illo,
Musis ni Homerus suauē canentibus,
Vulgasset illa, qua nitenteis
Phæbus agit per inane rhedas?
Ne multa: cęlo Pierides beant,
Ad Disis oras Enceladum trahunt,
Quod ausus esset e corusco
Pellere Cęlicolas olympo.
Laudes, honores Musę etiam tuos
Ferent per annos innumerabiles,
Qua surgit, occiditq; Titan,
Tempora distribuens quadrigis.*

IANI

I A N I P E L V S I I

C R O T O N I A T A E

Odarum Liber Primus.

AD ODOARDVM FARNESIVM

Principem Sereniss. & S. R. E.

Cardinalem Ampliss.



RINCEPS *Austriadum sanguine profate,*
Dum tectus tunica frater ahenea
Pugnat cum populo, & rege nefario
Pro regno egregia Celtidos, & fide,

Thura adolens manibus benignis,
Deflexis genibus Verbigenam roga,

Telo fulmineo dissipet agmina
Hoflis, qui validis viribus haresim

Vgo quam peperit, seuit & Arius,
Euehit auspicijs sinistris,

Et magnæ immerito scepra Lutetia,

Fascesq; imperij, iuraq; Gallia,

Aduersante Dei numine, concupit

Regi pestifero: quem iuuas impij

Vana superstilio Lutheri:

Christus quippe oculis omnia Lynceis

Qui de syderijs ædibus aspicit,

Non surda aure preces audiet. & nonos

Hos Leptrigonia stirpe satos viros

Obteret igniuomis procellis:

Germanusq; tuus Casare clarior,

Faustis syderibus, prospera & alise,

Gentis Teutonice proteret agmina,

Et lætos rediens victor ad Italos,

Non feret indecorem triumphum.

Tunc Ianus Lyricis vatibus additus.

A te, qui senij præsidium es mei,

Patris magna tui facta canam pede

*Vincto: & tergeminis Laudibus eueham
Prælia magnanimi RANVTI.*

*At te purpureo tegmine fulgidum,
Quo tot Roma Ducum, & patria Caesarum,
Nunc nil maius habet, nec sapientius,
Vectabo numeris astra super: nouum
Sydus ut hinc niteas Latinis:
Vastes interea Graiungenas lege,
Quos nuper Latio, & iure Quiritium
Non magno absque dedi nomine, videris
Hic raptus Halenes, excidium Ilij,
Et Priami Proceres peremptos.*

A D RANVTIVM FARNESIVM
Parmæ, & Placentiæ Principem
Serenissimum.

*FARNESI proavis edite regibus,
Quem Mars à teneris destinat unguibus
Armis: atque tuum vi sapientiæ
Pectus, terribili munit ægide
Orta Iouis cerebro Minerva,
Hoc tirocinium quod facis auspice,
Et ductore tuo patre, ferociter
Pugnans cum populis ter temerarijs,
Fiet nobilius: nam tibi gloriam
Perpetuam gladio parabis.
Qui affectat celebris præmia nominis,
O quam dulcis eris militia labor,
Hosteis per medios intrepidus ruet,
Sancta Christiadum dummodo pro fide
Magnificos pariat triumphos:
Te reddent alacrem tympana: te tubæ
Permisse lituis Teutonas in truces
Vrgent; in volneres accipitrem velut:
Angues aut aquilam: prata per herbida
Aut Libycum in vitulos leonem.
Iam nunc te video sanguine Vasconum
Tinctum: te video puluere sordidum:
Septus militibus nobilioribus*

Dum

Dum Regem insequeris Parrisiensibus
Funus, & exitium parantem :

Qui de Borbonia natus origine,
Et non Egregia stirpe Valeſia,
Iunctus Vaſconibus cum popularibus,
Quærit magnifica ſceptra Lutetia,
Purpureum & diadema regni.

Iungentur canibus ſed caprea prius,
Et cygnis ulula, Gallia quam ſinas
Ut rex hæreticus civibus imperet:
Atque in Chriſtigenas conſpicuos fide
Ius habeat necis atque vitæ.

Quodnam pergis iter ? deſine peruiſax
Clio belligeri prelia Principis,
Et res, quam Calabræ Pierides canant,
Aut viſ ingenij narret Homerici,
Dicere tam tenui Camæna ?

Illi da potius noſtra pœmata,
Ex quæis excidium nouerit Illy,
Et raptus Helena, quum peditum manus,
Et turmas equitum duxit ad oppida,
Seq, tuo recreat ſub antro.

Non te, bella licet curet, & agmina,
Ac de conſilio patris amabilis
Donet militibus munus adorea,
Temnet, ſed capiet munifica manus,
Et leget, & releget libellum.

AD ODOARDVM FARNESIUM
Principem Sereniſſimum, & S. R. E.
Cardinalem Antipliſſimum.

Tui DVARTES docta Lutetia
Erepta flammis eſt opera patris
Lutherianis : & tyranni.
Excidio, & peditum rapina :

Tuiq, magna fratris amabilis
Virtute, nuper Vaſcone ab impio,
Et Teutonum manu profana, eſt
Rotthomagi incolumis colonus,

Et cinis

Et cuius. Ambos religio, & fides
 Exornat: ingens cognitio artium, &
 Doctrina Martis, & Minervæ
 Aequiparat Ducibus Latinis,
 Graijsq;: Homerus quos ait Illy
 Vertisse muros ob Paridis scelus.
 Anita, virtus urget ambos
 Ad decus, & celebres triumphos.
 Nil ergo mirum, Gallia si timens
 Sibi ruinam à rege Typhoeïo,
 Ad hos recurrit: & Dynastæ,
 Purpurei metuuntq; reges.
 Henrice Princeps te licet undiq;
 Sat bellicoso milite munias,
 Te filius, paterq; vincent,
 Celtidos & parient salutem.
 Si cernis amens quanta pericula
 Et hinc, & illinc immineant tibi:
 Ne crastina portum subire,
 Vnde prius fueras profectus.
 Ritus profanos exue, & heresim,
 Te Christianis moribus induc:
 Rex Christus antequam merentem
 Lethifero feriat flagello.
 Regina si te seuæ Britannia
 Nummis, & armis adiuuat impigre,
 Quod interest: tuis repugnat
 Consilijs Deus æquitatis.
 Assi Gigantes pellere ab æthere
 Deos: in altis Thessaliæ iugis,
 (Vt cantant præci poëta)
 Pelion imposuere Olympa.
 Sed quid tot isthæc monstra furentia
 Contra Deorum numina? Iupiter
 Ter mole dissecta: sagittis
 Detulit hæc Stygias ad umbras.
 Te sauciari glandibus æneis,
 Aut funerari fulmina ferreo,
 Optant quot extant Christiani.

Idq̃ Deum precibus fatigant.

*Non fallor augur . pectore ab intimo
Precesq̃ mundo sedibus in sacris
Quas ore fundunt : rector orbis
Audiet omnipotens ab alto .*

*At Tu DVARTES quo sapientius
Aetas renascens nil tulit, aut feret ,
Precare Christum pro parentis,
Fratris & ingenui salute.*

*Namq̃, ipse motus supplicijs tuis,
Opata letos ducet ad exitus :
Custosq̃, fidus, semper ambos
expediat per amara lethi.*

*Ad Io: Andream Pelus: sui fratris filium,
& Iurisconsultum egregium.*

*Musis amicus pangere carmina
Primo sueni à flore pueritiæ:
In Gallia hinc cano togata
Hæc tibi Pierio sub antro,*

*Quæ tu relictis tot grauioribus
Rebus, peritis cum socijs legas
Aut in Lacinijs viretis :
Ilicis aut patula sub umbra.*

*Ad patris iuit castra RANVTIVS
Bellum gerentis Celtide in inclyta,
Cum rege Vasconum profano ,
Eius, & hæreticis manipulis :*

*Quando ipse cunctis est animosior
Quot arma gestant Semideis viris:
(Vt debeo) multa illi ab hoste
Teutonico timeo pericla .*

*Si Martis essem miles , ut innuba
Matris Minervæ, & patris Apollinis
Sum purus, & castus sacerdos:
Vectus equo celeri Medusæ.*

*Illuc volarem, vel dromadarijs,
Comes futurus rebus in arduis
Nato, patriq̃, & hostis ictus
Exciperem clypeo, vel ipso*

Me, pro patronis, & Dominis p̄js,
Et hic, & illic non timido mori.
Sed quando tale non patrari
Sanguis hebes patitur senectæ:
Parma precabor continue Deum,
Vt seruet ambos incolumes, velut
Quum saucios ferro leones
Per medias rapit ira cedes.
Sydrus Crotonis nobile patria,
Iurisq; lumen chare nepos idem
A Virgine impetra Maria,
Aedibus in patrijs, vel aris.
Illi sacrarunt non sine flamine
In vrbe nostra quas veteres patres:
Isthac voluntas namq; in illos
Expeto postgenitis probetur:
Sunt ampliori carmine, sunt lyra
Maiore digni, non ego pernego:
Sed patruus tuus minuta
Euehet ut poterit Camana.
Si Musa vires Calliope dabit,
Illustriores reddet: & inferet
Diuis: noua ut quoque ipsi in alto
Astra queant radiare calo.

In Gallohaereticos.

Procul profani Celtide ab aurea,
Nouum Typhæum viribus omnibus
Quot adiutatis, quo capeffat
Munia, & imperij secures.
Quæ vos Erinny's, quis furor incitat
Ad arma contra numina Calicum?
Quæ per tot annos, totq; secla
Galligenæ coluere patres?
Qui sacra semper teſtaq; maximi
Chriſti tuentes templa nitentia,
Ab urbibus, ſuisq; regnis
Barbariem hæreſeos fugarunt,
Franciſcus ex quo miſcuit agmina

Alpina Turcis, & ratibus rateis
 Sacras profanis, viq, summa
 Profuit Othomano Tyranno
 Contra maniplos Cæsaris & trabes,
 Captiva ducens millia tot virum
 Ad Bosphori sinum gementis,
 Regnaq, Threicij colubri,
 Aeterna Monas Sancta, Trinitas
 Quæ cuncta nouit, tecta Lutetiae
 Næ dereliquit: næ fauorem
 Ad populos alios reposit,
 Regemq, septum milite plurimo
 Sicariorum, & gente nefaria,
 Permisit, unicus sacerdos
 Aedibus in medijs necaret,
 Quando periuit pro genie carens
 Successionis legitimæ: nouus
 Sibi Typhæus iure nullo
 Vendicat imperij coronam.
 Dent sceptræ Galli Celsidos aurea
 Regi, Arianam qui sapit hæresim?
 Fidemq, sanctam vult recisam
 Stirpitius à Scythiæ colonis?
 Has spes inanes, vota, inania
 Omitte demens: cunctisator Deus
 Te dextera trudet rubente
 Christus ad anguipedum cæteruas.
 Iam tendit arcum, spicula iam capis
 Intincta sæuæ sanguina vipera,
 Quæ vibret in pectus tyranni
 Borbonia rabie educati.
 Megera totius iuncta sororibus,
 Et nexa spiris anguineis comas,
 Iam prodit (horrendum videri)
 E Stygijs tenebris ad auras,
 Vt te nefando cum grege militum
 Proteruiorum tradat ad inferos:
 Hic mille vinctus vè catenis
 Perpetua cruciæ flamma

AD RANVTIVM FARNESIVM

Parmę, & Placent. Princip. Sereniss.

Redi RANVTI sydere dextero
 Ad regna Parma, & regna Placentia:
 Bellasse sit sat, ter nefando
 Cum populo, & Duce ter scelestor
 Es natus armis, bellaq; Palladis
 Ope, & Gradiuo propitio vt geras
 Ad Sequanae ripas virentes
 Borbonio metuenda regi.
 Scit Belgæ fortis, scit Batauus ferox,
 Scit Gallus acer, quid valeas manu,
 Cunctos sed ante scis Britannus
 Ausonijs domitus sagittis.
 Te expectat omnis ciuis & aduena
 Vlnis (vt aiunt) dulciter obuijs:
 Plaudente cętu, & vrbe læta
 Crede mihi, repetes penates.
 Res hic aguntur te sine, non bene,
 Annona cara est: pestis & opprimit
 Cum plebe commistos tumentes
 Progenie proaua Quirites.
 Reuertere Heros magne reuertere,
 Tuæ vt capeſſas ſceptra Placentiæ,
 Parmæ & fidelis, quæ morantem
 Te affiduis precibus peteſſit.
 Vxore ducta, ſanguine regio,
 Auctoꝝ pulchra progenie patre,
 Ad bella deſtenda Gallis
 Vectus equo celeri redibis.

De Lutetia Gallohereticorum, obſidione liberata.

Nunc eſt canendum, nunc lyra tibię
 Iungenda, plantis nunc Saliaribus
 Pulſanda tellus, nunc ſtruenda
 Per plateas epule ſodales:
 Antiſ hac latentem promere Liberum
 Neſas, Typhæus dum nouus ardens
 Lutetiæ muros ſtudebas

Rumpere

Rumpere bombiuomis procellis,
Heres relictus sed sine legibus,
Et iure, ab illo rege nefario,
Iuuante Christo, quem sacerdos
Vt tenerum iugulauit agnum.

Sed Rex PHILIPPVS magnus Iberie
Ausis coëgit cedere talibus:

FARNESIO ducente Iberos
Principe & Ausonias phalanges,
Equis adurgens, & peditum manu,
Molles capellas Appulus ut lupus,
Aut vertagus celer fugaces
In calabra regione cernuos,

Malasq; vulpes: ut laqueis daret
Christi rebellem: qui temerarius
Dum Gallie sperat coronam, &
Purpureum diadema regni,

Lutheriano cum grege turpiter
Ab urbe pulsus: Panus ut Annibal
Se Colchico tollet veneno,
Pectora vel fodiet machæra.

Si gloriosam Marte Lutetiam

Rursus laceffet flante Faunio,
Ab hoste ductus in triumpho,
Vinctus aget superest quod æui.

De Melita Turcarum obsidione liberata.

Nunc Christiani gens pia flamines,
Quos de Sabæis partibus aduehunt
Urbes ad Italas phaselis
Assyrij, atque Arabes, odores

De more sanctis ignibus urise,
Patriq; Christo reddite gratias,
Qui supplices seruos precantes
Audijt omnipotens ab alto.

Ferox tyrannus Threicij soli,
Rebus secundis ebruius, insule
Apostolo Paulo dicare
Excidium Melite parabat.

Es iam

Et iam carinis littora millibus

Dextra, & sinistra texerat: ac breui

Hermi arce capta, & ense caesis

Ciuiibus, & socijs, fere ipsam

Vrbem occuparat: quum Superum pater

Sic seuientem prospiciens, Ducem

Classis PHILIPPI de Peloro

Impulit in Selymi phalanges,

Suos necari e puppibus intuens

Ductor Scytharum, corripuit fugam:

Vim Christus inspirat Latinis,

Hostibus injiciens pauorem.

Infecta tellus sanguine barbaro

Pingues colonis reddit agros: ferus

At Turca detestatus arma

Ausonia, & Melitam, per equor

It ad gementis littora Bosphori,

Amissa lugens fortia corpora:

Fas est eat, peiora fata

Littore in Actiaco videbit.

De victoria Christianę classis ad Echinadas.

Nunc est ab uno littore ad alterum

Christus ferendus carminibus nouis,

Fauore cuius, Thracis anguis

Austriades iuuenis trecentas

Cepit carinas Actiaco in mari,

Et tinxit equor sanguine Turcico:

Dans Protei dapes opimas

Squamigero pecori sub undis.

Immanitatis Rex Mohometica

Partis triumphis plus nimio tumens,

Funus per equor & ruinam

Adriaco imperio parabat

Cum classe plena milite barbaro:

Et iam beatam Cypridos insulam

Vastarat ense & igne, ductis

Littus ad Ismarium colonis:

Sed rex PHILIPPVS patribus Adria,

Armisq; iunctus Pontificis Pj,

Ductore

Ductore germano, tyrannum
Vicit in æquoreo duello.

Gentis profanæ colla ferocia
Submersa vidit marmoris arbiter,
Vndisq; ferri scuta, & arcus,
Et pharetras grauidas sagittis:

Ductor Scytharum concidit: & duo
Sensere nati ferrea vincula,
Quæ gentibus superbientes
Ausonijs fuerant minati.

Nos ergo, pascet sydera dum polus,
Rex Christe regum maxime, ad æthera
Te vindicem nostræ salutis
Laudibus haud solitis feremus.

De Victoria Actiaca.

Nunc sunt amici Cælicolûm patri
Grates agendæ sanguine nunc sacro
Aræ imbuendæ: nunc comanti
Fana Deûm decoranda fronde.

Regina Memphis coniuge quæ nouo
Inflata, lætis rebus & ebria,
Regnum Quirini pro nefandis
Concubitus pretio poposcit,
Qua litus urget Leucadium mare,
Cum classe tota Cæsare ab inclyto
Est victa: turpis & maritus
Se proprio gladio peremit.

Vectus per undas cæruleis rotis
Neptunus igneis serpere per rates
Aspexit, & rubere pontum
Actiacum Phario cruore:

Vidit feroces Martigenas manu
De classe capta deicere ad mare
Aegyptios ferociensibus,
Traicere & iaculis acutis.

Regina ventis auxiliaribus
Vix fugit una naue superstiti

*Ad urbis augustæ penates ,
Et pauidos populos Anubis.*

*Hic non coactis militibus , suæ
Firmat gementis mania patriæ :
Sed corpus admouet colubris ,
Et cadit exanimis veneno.*

*Virago magnis edita regibus ,
Ab hoste vitam sumere , dedecus
Putauit, & vinctam catenis
Ducier in Latium triumpho.*

Ad Prosperum Podianum Perusinum .

*Non picta semper floribus est humus ,
Aut sylua Cauri murmure perstrepsit ,
Nec auctus imbre Tiberis usque
Dilluuiem meditatur agris:*

*Nec nauta semper sollicitat mare ,
Aut suaue Progne continuat melos
Dies per omneis: nec colonus
Findis humum assiduo ligone.*

*Tu grata semper commoda negligens ,
Nozem Camanas sedulus excitas ,
Ac Cynthius surgens cadensq̃ ,
Te videt in studijs sepultum*

*Dilecte Prosper: tristia dulcibus
Quandoque misce . Fer puer ocys
Huc vina vecta de Falernis
Collibus, ex apio coronas*

*Contexe, verno tempore quod tulit
Soluta tellus: hæc Genio dies ,
Patri dicetur, & Lygo,
Non sine Achæmenio vapore.*

*Curas edaces dissipat Euius ,
Et spem reducit mentibus anxijis ,
Lætata ludo mens, & ipsa
Fortior ad studium resurgis.*

Ad Berardinum Rotam Neapolitanum.

*Non semper pluuias Iupiter & nives
In terra gremium mittit ab aethere,
Montes nec altos usque telo
Percutit, acrias vel arcus:*

*Nec semper pauidos persequitur cane
Venator lepores: aut laqueo grues
Totum per annum captat auceps,
Deicit aut iaculo columbas.*

*Tu semper querulo carmine coniungem
Berardine vocas: nec gemitus die,
Nec nocte mulces: tristis usque
Sed lacrymis oculos fatigas:*

*At non Eurydicen perpetuo suam
Coniux Bistonio flet in Ismaro:
Nec Hectorem menses per omneis
Andromache gemit peremptum.*

*Tandem pone modum tot querimonijs,
Et mecum (madidus Nyctileo prius)
In colle qua refulget Aegle,
Auftriadae iuuenis trophaea,*

*Et tinctas Scythico sanguine Echinadas
Arguta cithara concine, vel lyra:
Hoc nullus unquam ductus urbeis
Clarior ad Latias triumphus.*

Ad Paulum Labrutum Crotoniatam, &
Iurifconsultum egregium.

*Quid matrem lacrymis, & querimonijs
Noctes atque dies clausus in adibus
Dulcis Paule tibi non ita creditam
Frustra poscis ab Atropo?*

*Quicquid Sol oriens cernit, & occidens,
Et quicquid veniens, vel fugiens lauat
Vndis ceruleis Oceanus pater,
Senuit fata nonissima.*

*Sis vel nobilibus natus in urbibus
De summa, & celebri stirpe Quiritium,*

*Vel fece ex populi, plebe vel infima,
In parua genitus domo,
Nil est: cum reliquis ibis ad Inferos,
Quum quum Mercurius te semel intulit,
Non hinc muneribus, vel prece supplici,
Te cymba reuehet Charon.
Ergo tristitię sige modum tuę,
Cælestemq; patrem Verbigenam roga,
Matri perpetuam dei requiem, & sinas
Inter viuere Cclites.*

Callandræ de Ilij excidio Vaticinium.

*Quum pastor Phrygius pontigradas trabes
In Spartam patrio litore solueret,
Ut promissam Helenen Cypride ab improba
Sacrum ferret in Ilium.*

*Cassandra horrifico concita numine,
Vatesq; ante alias præscia temporis
Venturi, cecinit fata silentibus
Hæc turbis popularibus.*

*Mars Graius tunicis tectus ahenis,
Emensus pelagus mille triremibus,
Cinget teligeris Pergama copijs,
Ut rursus reuehat domum*

*Quum frater rapuit perfidus hospitam.
Cives pro patria non metuent mori,
Fisiq; Hectoreis viribus, agmina
Fundent gentis Achaicæ.*

*Sed postquam Thetidis filius Hæctora
Pugnantem perimet, culmine ab ardo
Vrbis Dardaniæ mœnia diruent
Ductores Danæum dolo.*

*Aras ante Iouis rex Priamus cadet:
Regno orbata parens, coniuge, liberis,
Scandet serua Ducis Dulichij rates
Multis non sine lacrymis.*

*Cum Xantho Simois decolor ad mare
Curret, scuta ferens atque cadauera,*

*Dum victor gladio cuncta metens, trahes
Ad classem Iliadas nurus.*

*Germana Aeacidae concidet hostia
A Pyrrho impanido casa Polyxena:
De turre Astyanax post dabitur puer
Preceps Sisyphia manu.*

*Tanti causa mali Tyndaris impudens
Troia equata solo mania deserens,
Ibit puppe viri rursus ad impie
Sospes regna Laconiae.*

*Ad Franciscum Pignam Patauinum.
allium detestatur.*

*Non allium: nocentius sed toxicum
Fuit, quod ira Manium*

*Edi: Megara faucibus sub Tanari
Spuma irrigauit Cerberi.*

*O rusticorum duriora cauitibus
Aerisq, massis viscera.*

*Quid peius unquam me venenum Colchicum
Laxisset? aut absinthium?*

*Proh Iupiter supreme totus ardeo,
Ut ardet Aetna Trinacris:*

*Num siuea Circe quae solebat pharmacis
Mutare fidos in sues*

*Humana membra, temperauit has dapes?
An Veia ter venefica?*

*Obiuit hoc ferarum terror Hercules,
Et non Echydnae sanguine.*

*Herosq, & haeres Herculis Pergantius
Isthoc eodem concidit.*

*Si passus unquam tale Pigna, basium
Daturus es Lucretiae,*

*Os denegat, recedat, & te frigidum
Precor relinquat in toro.*

*Ad Christum Omnipotentem. Morbum
Gallicum detestatur.*

*Quae pestis haec quae saeuit in praecordijs?
Atque ima rodit viscera?*

Non æstuosa tanta vis Canicula
 Sic obsidet Calabria
 Nuda arua ramis: quanta me vorat lues,
 Serpens per artus intimos:
 Hæret medullis, & pereffis ossibus,
 Cor languor ægrum conficit:
 Corpus solutis artuum compagibus,
 Totum fatiscit viribus:
 Nec nocte somnum nec capio somnum die:
 Sed usque sæuo torqueor
 Dolore: nulla in parte nostri corporis
 Color, vigorq; cernitur.
 Num creuit atra Dis in caligine.
 Ex ore manans Cerberi?
 An venit huc (ut fertur) usque ab India?
 An bellicosa ex Gallia?
 Nèssi cruore non obiuit Hercules
 Morbi sed huius ulcere:
 Seruator orbis Christe me precor tuum
 A peste tanta libera.

In Tyrannum.

Quæ felibus cum muribus discordia,
 Mi cum tyrannide est tua,
 Bis tincta quamuis vestiat te purpura
 Fluasq; luxu Persico:
 Te vulgus odit, turba monstrat indice,
 Et plebs tyrannum dictitat.
 Tauro Perilli, atque Ixionis orbibus
 Torque reorum corpora,
 Auferq; syluas, prata, tecta subditis,
 Vt filios dites tuos:
 In te poetæ molientur spicula
 Lycambis vncta sanguine:
 Christusq; rector orbis æquo lumine
 Qui res videt mortalium,
 Te trudet Orco denotandum Cerbero,
 Peccata cen merent tua.

*Nec fœda coniux, nec profani filij,
 Sicariorum nec cohors,
 Te liberabunt à Gehennæ incendio,
 Aut Mortis ungue, & fancibus.*

In Henricum regem Vasconum.

*Henrice fulte Demonum vecordia,
 Erinnyumq; amentia,
 Quid expetiscis nobilis Lutetie
 Frœna, & coronam Franciæ?
 Nec verus hæres, res nec ipsa ut indicat,
 Valesiorum e sanguine?
 Tibi licere cuncta credis ob gregem
 Quem militum tecum geris?
 Aeterna Monas sempiterna Trinitas
 Non regna donat regibus,
 Sectam sequuntur qui Lutheri, & Arii,
 Vgonis & Ludibria:
 Fas esse reris, Christiana Gallia
 Emancipetur hæresi?
 O ter scelestè, ter profane, & impie
 Non hinc ad Inferos abis?
 Vt deuorere à Cerbero Disis cane,
 Aut sæuiore bellua?
 Rex execrande & exteris, & cinibus,
 Quæis expiere victimis?
 Portenta num sunt hæc ferenda Franciæ,
 Sacris profana admisceas?
 Franciscus olim Christiana pessimus
 Cum classe iunxit Turcicam,
 Addensq; Apellis integros, ad Italas
 Obuertit urbeis, & mare.
 Quot faminas primarias, quot nobiles
 In seruitutem ad Ismarum
 Duxit Quirites? capta quot sunt oppida?
 Quot fundo ab imo diruta?
 Tu nunc Typhæus alter, & nouus Gyas
 Ad arma Gallos concitas:*

Commune misces oppidis incendium,
 Serens ubiq; iurgia:
 Agisq; cunctos mentibus discordibus,
 Palmisq;, cædem ad mutuam.
 Orbantur urbes interim cultoribus,
 Et subditi pecunia.
 Quis sæuus hostis Galliæ hunc videns statum
 A lacrymis se temperet?
 Fata lænæ suxerit sub Caucaſo
 Dissenta quamuis vbera?
 Credam Gigantas cali ab arce pellere
 Ausos fuisse Cælites?
 Credam Charibdis obstitum lupis femur?
 Credam triformem Cynthiam?
 Quæ monstra, quæ portenta, quas porro feras
 Non vincit hic nouus Gyas?
 Quando periuſit Hercules cum Theseo,
 Fortisq;, vector Pegasi,
 Parmensis Heros edoma hoc monſtrum ferox,
 Et libera tot oppida
 A seruitute: namq;, te magno Ioui.
 Aequabimus victoria.

Finis Primi Libri.

In pag. 5. pro βασιζώντων leg. βασιταζώντων.

In pag. 9. pro quam lege quas

I A N I P E L V S I I ²⁵

C R O T O N I A T A E

Odarum Liber Secundus.

Ad candidum Lectorem.



*As odulas, & hymnos
Properante quos Camena
Crotonis in Latymno
Scripsit Crotoniata,*

Dicavit & D V A R T A E

Hero suo, & patrono,

Amice lector oro

Vt Lectites libenter

Sub arbuto comata,

Aut vite sub Lyæi.

Cernes in hoc libello

Parum Laberioso,

Fulgere sic D V A R T E M

Honore, laude, fama

Inter suos Quirites,

Patresq; porpuratos,

Vt pura noctilunca

Phæbi soror corusci

Inter faces minores.

R A N V T I V Mq; nosces

Scientia duelli,

Et arte dimicandi

Superis parem, fauore

Mauortis, & Minervæ.

Pietate vero, & æqui

Rectiq; lance iuris

Superare & hos, & illos

Duces superbientes,

Proceresq; fortiores,

Quos Sparta, quos Athenæ,

Tulit vel alma Roma,

Orbis

*Orbis caput, parensq;
Regum potentiorum,
Fideiq; Christianæ
Basis, decusq; mundi.*

AD ODOARDVM FARNESIVM

*Principem Sereniss. & S. R. E.
Cardinalem Ampliss.*

*Præsul sacrata gloria purpure,
Tibi libellum mittimus alterum,
Quem nos eodem ceu priorem
Fecimus ex oleo, & farina:
Tui hic parentis prælia perleges
Facta insolenti cum Duce Vasconum,
Qui copijs Lutherianis
Fretus, & auxilijs Elisæ,
Audet decoræ sceptræ Lutetiæ
Et Christianæ stemmata Galliæ
Sperare: sed non cernit amens
Stare Deum à populo fideli.
Nempe hic scelestus parturiet sibi,
Regi minatur quicquid Iberiæ:
Namq; appetens regni coronam,
Sentiet Ausonias catenas:
Seroq; discet non sine lacrymis,
Quid sit Deorum temnere numina,
E præliari cum feroce
Patre tuo, & validis Iberis.
Christum DVARTES interea roga,
Tuum parentem seruet ab hostium
Dolo, & sagittis: eius ipse
Facta canam & celebres triumphos.*

Ad Carolum Contem Illustriss. & Reuerendissimum Anconitanorum Episcopum.

*O qui tot annos non sine laudibus
In Vaticana Curia, & sedibus
FARNESIANIS cum caterua
Nobilium, Procerumq; natis
Versaris, istos non aue Homericæ*

*Quos edo versus perlege. candida
Qua fronte lectitas tabellas
Æolias, Latiasq; chartas.*

*Te Carle Ianus concinit ut potest
Graio & Latino pectine: sed tuæ
Virtutis antistare famam
Omnibus ingenijs peroptat:*

*Si Phæbus illi suppetias feret,
Terras per omneis indigitaberis
Episcopus pius, bonusq;,
Et sapiens pater æquitatis.*

*Est usque tutus grex tuus à lupis,
Tutumq; carpit gramen in omnibus
Locis, quos ipse pastor æquus
Iustitia, & pietate seruas.*

*Quæcunque laudas, nemo redarguis:
Quæcunque culpas quilibet approbat:
O certa fandi norma: rectæ
O specimen, columenq; vitæ.*

*Brevi Sacerdos Summus, & Optimus
Te purpuratis patribus inseret:
Tua hoc honeste exacta vita
Postulat, ingenuiq; mores.*

*Es namq; nomen non sine nomine,
Fortis bonarum tutor & artium,
Et rhetoras, clarosq; vates
Accipis hospitio, & tueris;*

*Musisq; amicus, viribus omnibus
Musis molestam barbariem fugas:
Ac litteras politiones
Herculis indomiti columnas*

*Protendis ultra. Sydereis plagis
Canore dulcis te statuam lyræ,
Qua parte Cæsar, aut tremendus
Amphytrioniades refulget.*

*Ad Oliuerium Seraphinum Rotæ (quam aiunt)
dijudicandis causis Præpositum.*

*Ornate iuris flore peritiæ
Primis ab annis ante alios viros,*

Quot Gallicæ nurus tulere,
 Atq; Italæ peperere matres,
 In iudicandis litibus arbiter,
 Ae quoq; iudex iustior Aeaco:
 Quem Iupiter præesse iussit
 Manibus, in regione Auerni.
 Dignoscis astus, consilia, & modos
 Actoris, agras & lacrymas rei:
 Componis hinc causas forenses
 Iudicio Seraphine recto.
 Qui nigra ab albis, aurea ab æreis
 Vir Vaticanæ præpositus Rotæ,
 Secernere ignorat: seueras
 Mon poteris stabilire leges.
 Nam sæpe captus causidici dolo,
 A veritatis tramite deuius
 Deflectis ad mendaciorum
 Tesquæ, per haud faciles salebras.
 Quod multa gignit damna clientibus:
 Non iure causa namq; sua cadunt:
 Rebusq; cedendo paternis,
 Aut miseri peregrina in ora,
 Usque ad supremum temporis exitum
 Quod restat aui, cum lacrymis agunt:
 Aut ferre nesciꝝ dolorem,
 Pectora transadigunt machæra.
 Hæc nemo sentit iudice te mala,
 Nam cuncta lustras lumine Lynceo,
 Et iudicas lites molestas
 Iustificas grauitate iuris.
 Sed quando nostri debilis ingeni
 Non Musa suenit talia persequi:
 Te Pindari canet Camæna,
 Et fidibus, citharâq; Flacci.
 Es namq; doctis præsidium viris,
 Iuuasq; Musas munifica manu:
 Tuos honores vnde passim
 Egregij celebrant poetæ.
 Hinc esse Ianus fas putat, & bene:

*Te ferre ad æthram Pierijs rotis ,
 Aeternæ & immortalitati
 Carmine perpetuo sacrare.*

AD RANVTIVM FARNESIVM

*Parmæ, & Placentiæ Principem
 Serenissimum.*

Princeps RANVTI Marte fretus Italo,

Qui castra mutatis equis

Petis , futurus filius comes patri

Contra arma regis Vasconum :

Labore mutans otium , periculis

Caput trecentis obijcis :

Paratus atra vulnere, & discrimina

Subire pro sancta fide:

Et pro decore Christiani nominis

Cum laude mortem perpeti.

Ego hic relictus ut puellus orphanus,

Siccus rogabo, & vuidus,

Vt trinus vnus orbis huius machinam

Qui temperat nutu Deus ,

Amara te per lethi, acuta prælij

Te liberet periculis:

Et more prisco laurea victus caput,

Ducas triumphum ad Italos .

Vos interim Libetrices pÿssima

Venite vatum numina,

Et barbiton pulsate, iunctum barbitis

Pulsate dulce nablum.

Eiusq; patris ferte cantu ad sydera

Tot nobiles victorias :

Quippe ipse dignum præmium laboribus

Vestris dabit RANVTIVS.

Qui, quum quieto Mars quiescit otio,

Ad arma non citans viros :

Frequentat antra vestra, vestra mystica

Colit sacerdos integer:

(Quod laude dignum) subditis, & ciuibus

Procurat vsque commoda .

30
AD RANVTIVM FARNESIVM

Parmę, & Placent. Princip. Serenifs.

Decus meum RANVTI,

In ore fessitare

Cuius Suada gaudet:

Astręa virgo pectus

Communit, & penates:

Themisq, pręses equi

A te, tuisq, sceptris

Nunquam (quod ipse noui)

Latum recedit vnguem.

Si lectus est Coluthus,

Et virginis Lacęna

Raptus: Phrygisq, pręda

Aduęcta naue Troiam:

Nunc oro te per ipsas

Musas tibi fauenteis,

Lauri legas sub umbra,

Tectisue sub paternis

Aegyptium poetam.

Qui cum lepore scribit,

Et laude gloriosa

Priami Duces peremptos,

Et Ilium perustum

Gręco igne, & arte Graia.

Pelusiuss Magister

Tuus, tuusq, vates

Tibi, tuoq, fratri

Grateis aget trecentas,

Et pro salute patris

Supplex Deum rogabit.

Ad Nestorem Pignam Patauinum.

Hęc Pigna, mater quam Cybele sua

Manu odorato semit in hortulo,

Dextra, & sinistra tuta ab imbre,

Solis & igniferis sagittis,

Crescet Mineruę: crescet Apollini:

Doctęq, crescet Pieridum chora

Amica: fructus & suauis

Mense

Mense suo pariet . potentes
Quêis tam Tyranni condecorent dapes :
Quam quês in alta Cœlicolûm domo
In ordinem Deûm relati
Purpurei Proceres fruantur.
Eius sub'umbra pocula Liberi
Siccis pœtæ faucibus haurient:
Longumq; diffundent in ævum
Nestoris egregios honores.
Virtute mactum, laudibus inclytum
Ianus sodalem præferet omnibus
Viris , quot ætas hæc creavit
Urbibus in Venetis, & oris.
Est namq; vitæ purus, & integer,
Grauisq; nulli, commodus omnibus ,
Surgente & occidente Sole,
Deditus ingenuo labori.

DE ALEXANDRO FARNESIO

Principe, & S. R. E. Card.

Amplissimo.

Quicumque vîsit mania Romuli
Fundata fausto sydere : ut omnibus
Dent iura terris, atque sanctæ
Sint fidei basis, atque sedes ,
Caputq; mundi: quem Latia manu
Vicere quondam non sine bellici
Fauore Martis: multa vîsit
Perpetuis memoranda fastis:
Sed si Senatus Purpurei decus
FARNESIANO sanguine profatum
Vno minorem Cardinalem
Nescio quo Genio sinistro ,
Non vîsit: ædes ad patrias redit
Parum secundo numine Cœlitum:
Nam Sol ALEXANDRO coruscis
Nil videt egregius sub astris.
Nec (ni futuri præscia temporis
Mi falsa vates Deiphobe canit)

Videbit

*Videbit olim: nostra quamvis
Secula vetus redeant in aurum.*

*Dignus supremum qui teneat gradum
In Vaticano culmine, & induat
Si veste Petri: & sacra gestet:
Sceptra manu, & triplicem tiaram.*

*Ad Hieronymum Zenardum Landum
Placentinum.*

*Non semper agros imbris irrigat
Ruens ab alto Iupiter æthere,
Rateis nec usque per profundum
Armenias lacerant procellæ:*

*Dies nec omneis continuat melos
Progne, tyranni flagitium arguens:
Aut populos fatigat Anster
Usque, vel alticomas cupressus.*

*Zenarde semper tu querulis modis,
Et luctuoso carmine verberas
Fratrem Camillum: quem ministra
Eripuit tibi Parca Lethi.*

*At non adempto pro genito senex
Qui terna vixit secula lacrymas
Tot fudit olim: nec sorores
Hæctora sic gemuere cæsum.*

*Impone finem tot querimonijs:
Et vel RANVTI prælia filij,
Vel bella ALEXANDRI parentis
Æoliæ ad citharam canamus,*

*Vel liberata e faucibus impij
Hostis superbæ tecta Lutetiæ,
FARNESII Ducis labore,
Regis & auspicijs PHILIPPI.*

*In Obitum Octauij Farnesij Parmæ, & Pla-
centiæ Ducis Screnissimi.*

*Dum splendidum videbo
Phæbi inbar, facesq;
Tot syderum micanteis,
Lugebo mæstus usque*

FARNESI ad sepulchrum

Ducis mei, & patroni

Pietate, & arte belli

Hinc usque ad astra noti.

Quem non Gradivus atri

Auidissimus cruoris,

In praelijs trecentis

Germania, & Ingurtha

Ferocientis ora

Ademit: illa ademit

Vis fati acerba. Turris

Quam nulla cincta muris

Adamantinis, nec imber,

Violentus aut Iapex,

Furorq, Martis unquam

Effugerit: nec undans

Rates fretum secantes.

Quis forte dicet: istis

Querimonijs amaris,

Et lacrymis, ab urna

Excire non valebis

Manes Ducis: proinde

Patienter est ferendum

Malum: quod arte nulla

Vitare, vel medela

Queas. Fateris inquam

Amice vera: tristis

Placet mihi sed ales,

Qua nuntians decorum

Ver, usque & usque plorat,

Itym querens in alno.

Sis tristis ipsa quamvis,

Nimisq, luctuosa

Niobe, tamen Deorum

Nobis habebis instar:

Quæ saxeum sepulchrum

Fletu rigas perenni.

Essem Charybdis, essem

Chimæra, Scylla, & excors,

Si funus hoc acerbum,
Quantum quod est acerbum
Ducis posentioris,
Dum purpurat nitente
Sol luce; nox tenebris
Humana velat atris,
Non lacrymis profusis
(Vt conuenis) lauarem.

An lanus esse possum

Tot immemor bonorum,
In me benignus Heros
Quæ contulit? nigrantem
Me tradat ante ad Orcum
Telo Deus corusco,
Quam tale non patrandum
Patrem scelus, nefasq̃.

Dum vita permanebit,

Vescarq̃, luce, & aura:
Flebo usque, & usque flebo:
Et flere sic, peringens
Erit mihi voluptas.

Deflet Obitum Xanthi Pelusij fratris.

Si lacrymis valerem

Spirabili aura, & almo
Solis nitore cassos
Renocare rursus hasce
Habitabiles ad oras:
Noctes diesq̃, flerem
Germane Xanthe, vitæ
Vt ocyus volante
Hirundine, & sagitta,
Te redderem priori.

Sed quando nos videmus,

Ad hoc inane votum
Nil lacrymas valere:
Quid nanijs tot istis
Me macerem? Thaliam
Quæ magna facta cantu
Ad alta tollit astra,

Potius precabor, ut te
 Per multa secula, & annos
 Aeternet: & perennes
 Concedat esse honores,
 Laudemq; sempiternam,
 Quam litteris Latinis
 Olim tibi parasti.

Nicolaus Pelusius Iani pater, Angelæ Messalæ
 Vxoris Obitum deflet.

Prôh Mors acerba quantis
 Nos obruit procellis,
 Nil tale quum merentem
 Messala nupta tantum
 Nobis amata, quantum
 Amabilis puella,
 Aut unicus puellus
 A matre Bruciana,
 Aut Appulo parente,
 Te condidit sepulchro:
 Tuumq; me reliquit
 In lacrymis amaris,
 Luctuq; sempiterno.

Me nulla Nympha quamvis
 Sit stirpe nata regum,
 Aut sanguine ex Deorum,
 Et Tyndarim, vel Heben
 Vincat decore formæ,
 Suum virum vocabit,
 Arcusq; stringet vlnis
 De nocte per cubile.

Tu vna sola coniux
 Misero ut mihi fuisti,
 Sic mortua, & sepulta
 Dicere sola coniux:
 Nostrumq; nulla tollet
 Quæ cuncta tollit aui
 Longinquitas dolorem;
 Sed fiet usque, & usque
 Mage in dies acerbus.

Secura uiue, natos

Enixa quos fuisti

Tibi, mihiq; : nulla

Nouerca tanget; illis

Charus parens uterq;

Ero domi, forisq;.

Deosq; comprecabor,

Superstites parenti

Viuant bene & beate:

Bonisq; perfruantur

Quiete cum perenni,

Qua parata cum labore

Illis meo relinquam.

IN FEBRIM ODOARDI FARNESII

Principis Sereniss. & S. R. E.

Cardinalis Ampliss.

Febris ministra Lethi,

Iuuentulisq; cunctis,

Puellulisq; cunctis

Inuisa, ut ipsa pestis,

Famesq; alumna Mortis,

Tun' prôh scelus nefandum,

Comitante te rigore,

Comitante te furore,

Pallore fado, & aestu,

Es ausa Cardinalis

Membra aggredi DVARTIS?

Atque incitare Parcas,

Properent secare flamen

Tam Principis benigni?

Tam Praesulis verendi?

Quo nemo uiuit usquam

Meliorq;, sanctiorq;,

Nec uiuet: ipsa quamuis

Aetas reuertat auri?

Quot agmina hinc malorum,

Quot fletuum cohortes

Nos Aulicos manerent,

Et Romuli nepotes?

Si luce cassus ires
 Ad astra clara Diuūm?
 Sedilia ad piorum?
 Ab Italis abiret
 Minerva: ab Vrbe abires
 Apollo: nec pōētis
 Daret amplius liquores,
 Quos fundit Hippocrene.

Nam per Deos Homeri,
 Geniosq; Mantuanos,
 Quid Gratia sine illo
 Illic, & hic valerent?

Musæ nouem silerent,
 Sileret & Suada,
 Et barbiti silerent,
 Vt Orpheo perempto
 Ab impijs puellis,
 Siluisse Thraces aiunt.

Prōh nostra sors acerbā,
 Dolorq; vix ferendus:
 Erit ne lacrymosis
 Concessa tanta Fatis
 Licentia, & facultas,
 Nil discrepet scelestus
 Ab integro? sed æque
 Moriatur hic, & ille,
 In flore vel inuentæ,
 Vel vltima in senectâ?

An ocyus sub Orcum
 An serius profanus,
 Inutilisq; venter
 Rapiatur ad Megram,
 Panasq; sempiternas,
 Iactura parua habetur.

At æstimanda magni
 Nostri salus DVARTIS:
 Quo Roma gaudet omnis
 Superflite, & valente:
 Visalibus sed auris,

Solisq, luce functo,
 Querimonias perennes
 Et lacrymas datura,
 Et quod magis dolendum,
 Per nulla secla talem
 Paritura Cardinalem.

ὁὠτηρίᾱ in eundem.

Quis abneget Lutheri,
 Aut Arii satelles,
 Rerum Deum potiri?
 Qui seruat, atque perdit
 Quem vult manu potens?
 Christus profane Christus.

Deus unus, atque trinus,
 Tot syderum micantes
 Orbes, facesq, cali,
 Et vasta regna mundi
 Moderatur, & gubernat.

Quam pene noster Heros
 Aspexerat DVARTES
 Non Aeaci tribunal,
 Aut Cerberum trifaucem,
 Specusvè hiantis Orci:
 Sed Cælitum beatas
 Domos, piæq, genti
 Parata regna tantum.

At saeva tela Mortis
 Volente patre Diuûm,
 Euasit, his & auris
 Datur ætheris fruisçi.
 Et esse purpuratis
 Cum patribus: Petriq,
 In æde, pro salute
 Patris rogare Christum.

En viuit ille, viuit,
 Viuatq, quos Sibylla
 Cumana vixit annos:
 Namq, ortus est innuare

Quot litteris Latinis
Vacant: fouentq; Graias
Musas, boni Quirites
Accepta Roma calo est.

Nam Parca quæ volebat
Eius secare stamen,
Pietate mota tanti
Herois: & verendi
Tam Præfulis inuenta,
Illi pepercis ultro:
Promissit illi & annos
Ducenda per trecentos
Meliore fila lana.

Vos ò polituli omnes,
Quos implicare frontem
Hedera iuuat virente,
Gaudete ter, quaterq;,
Salute pro recepta
nostri inclyti **D V A R T I S:**
Gratesq; Dīs agentes,
Portate dona ad aras.

Et hunc diem colentes,
Quo redditis saluti est,
Et nos beauit omnes,
Celebrate plausu, & hymnis.
Illum boni sodales
Mei quot estis omnes,
Mea ipse iure visa
Habebo chariorem.

In Anthracem voracem.

Vorax laborat Anthrax
Non ilium dolore,
Aut crure claudicante,
Vertigine aut cerebri,
Sed anthracis tumores
Qui vexat usque & usque
Malam suam voracem.

Medicæ repertor artis
Apollo si moueris

*Votis tui poetæ,
 Adsis, ferens medelam,
 Non qua vorator Anthrax
 Curetur, aut capitam
 Recuperet salutem:
 Sed qua repente Disis
 Rapiatur ad choreas,
 Dapesq; sumptuosas.*

*Cur hæc precaris illi
 Non suctus hos ad usus?
 Meus requirit ut mos,
 Tua poscit & voluntas,
 Verum tibi fatebor.*

*Est helluo ciborum,
 Mensæ & ruina nostræ:
 Vix namq; naui in illa
 Ponunt dapes ministri:
 Manu vorator Anthrax
 Cibos utraq; sumens,
 Nullaq; lege iactans
 Ventrem in suum profundum,
 Quantum quod est profundum
 Voracioris unquam,
 Quod est mihi paratum,
 Sodaliumq; turbæ,
 Absumis ipse solus:
 Lancesq; sunt inanes.*

*Ego surgo, surgit ille,
 Et quintus, atque sextus
 Cum cæteris deinceps
 Ieiunus: ipse tantum
 Satur recedit; vdo
 Hilaratus & Lyæo,
 Distertit usque ad ipsum
 Mane in toro supinus.*

*Quum prandet, atque canat,
 Vorat velut molossus,
 Aut ursus, aut amicus
 Porcus luto, lupusque,*

*Qui siccus, & famefcens
Silente nocte, hianse
Rictu, per hoc, & illud
Ouile querit escam.*

*Dum dextra sumit assum
De lance, nec minora
Elixa frustra carnis:
Capit sinistra pullum,
Aut scorpionum bilibrem.
Quæ proximo, aut remoto
Non subtrahit sodali:
Oculi vorant rapaces:*

*Vix bolus intrat unus
Os, alter hunc adurget
Intrusus in palatum:
Pro tertius virili
Impellit hunc & illum.
Nullum vorator Anthrax
Dat dentibus quietem:
Sed usque & usque edendo
Exercet, & fatigat.*

*Quæ Scylla, quæ Charybdis,
Aut quæ vorago terræ
Tantum voraret unquam,
Quantum voraret Anthrax?
Harpya cedit illi,
Cedat Chimæra; cedit
Hydra Eerculis, tremenda
Maris Indici balena.*

*Harpya dixit olim
Quam Musa Mantuana,
Rapiebat ungue frustra
Obsonij, minutas
Dapumq, portiones:
Fædabat atque mensam.*

*Rapit ille cuncta visu,
Manu, ore, mente: mappas
Lancesq, fædat omneis,
Et candidos sodales,*

Quos

Quis assident propinqui:
In quos iaci videmus
Ius pingue, sæpe & ossa.

Voraret ipsa tantum

Harpya dona mensæ,
Sint prima, sine secunda,
Nil interest hoc ad rem.
Alpes voraret Anthrax,
Voraret æquor ipsum,
Et cuncta quæ videmus
Per vasta dorsa terræ.

Quin si quis est repertor

Supra modum vorator,
Non par voracitate
Foret Anthraci. licet sit
Polyphemus, aut Typhæus:
Voracior vel alter

Stadiodromis athleticis,
Cyclopibusq; cunctis,
Gigantibusq; cunctis.

His adde sancte Apollo,

Quod Aulici minores,
Primarijque, cuncti
Odere pcius illum,
Quam patre Marte nati
Vatinium Quirites.

Inuisa nec popello,

Sic est leuiq; plebi
Pestis, fames, egestas,
Aut tela acuta belli:
Vt deuorator Anthrax
Inuisus, & molestus
Est paruulis, adultis,
Barbatulis, ephæbis,
Domesticisq; cunctis.

Tuus ergo te pœna

Apollo deprecatur,
Hic Helluo ciborum,
Mensæ ruina nostra

*Dicto ocyus, vel iſtu
 Oculi aureæ Cytheres,
 Acherontis ad fluentæ
 Rapiatur, ad nigrantis
 Conuiuium Megræ:
 Vbi cænet, atque potes
 Aeterna ſecula, & annos.*

*Tibi ipſe cum perita
 Sodalium caterua
 Grateis agam trecentas,
 Gallosq; pingue olentes
 Maſtabo ſex ad aras,
 Septemq; pipiones
 Dulce ore pipientes.*

Ad Diuam Angeronam.

*Pia mater Angerona,
 Volupiam vocare
 Quam ſuenerant Quirites,
 Angina quum premebat
 Fauces, cauumq; guttur:
 Ter te precor quaterq;,
 Vt Anthraci voraci
 Viam auferas vorandi.*

*Nam qua eſt voracitate,
 Vorat unus impudenter
 Elixæ, frixæ, & aſſæ,
 Quæ ſunt mihi, meisq;
 Sodalibus parata.*

*Laſtaurus hic popinam,
 Ollas, athena, lances,
 Coquosq; deuoraret,
 Nedum dapes opimas,
 Nedum cibos ſuaues,
 Epulasq; ſuaue olentes.*

*Sunt veriora veris
 Mea quæ canit Camæna,
 Namq; eſt vorator Anthrax
 Voracior triſauce
 Cane Diis, & Charybde.*

Ad Neæram.

*Neæra uirgo bella ,
 Quantum quæ fuit ulla uirgo bella
 In Attica, & Latina
 Terra, hoc tempore nata, vel priore :
 Quid, oro te Clearchum
 Inclusum thalamo tenes , ut olim
 Paruum parens Achillem?
 Fratres optimi, & optimi pœtæ
 Illum locos per omneis
 Quærunť solliciti : nec ullus unquam
 Dixit, nec ulla dices
 Vnquam, quas habeat puer latebras.
 Neæra per Cytheren
 Te rogo, & puerum bonæ Cytheres,
 Venire in ora vulgi
 Vť tandem iuuenem finas Clearchum.
 Irata turba vatium
 Ne te carminibus suis ad Orcum
 Nigrum ferat: chelydri
 Vbi Tisiphone reuincta crines,
 Te verberet flagello.
 Si (vť spero) mihi feceris petenti
 Hanc gratiam: canoro
 Te cantu ad superos Deos vocabo .*

In Brutum bellum ciuile reparantem.

*Quid sine nauclero rursus petis æquora nauis?
 Non hoc per pelagus currere tuſa potes:
 Vel te Scylla vorax, vel perdet hiulca Charybdis :
 Allident scopulis Syrtis , & acris hyems.
 Anchora quæ fundat naues deuincta rudente,
 In medio eſť rupta fune relicta ſalo.
 Vela Aquilo fregit : nudata es remige : malus
 Concidit : antennas per mare fluctus agit .
 Hinc inſtat pluij vultus Iouis : inſtat Orion:
 Puppibus hinc hædi non bene ſida parens:
 Nec te Neptunus qui temperat æquoris undas ,
 Reſpiciť : Hippotadæ nec patris aura fouet :*

*Dum potes, ad placidum toto conamine portum
 Contende: hic tantum tuta manere potes:
 Si secus efficies, increbrescente procella,
 Fortiter & Borea percutiente latus,
 Post varios casus, post multa pericula, tandem
 Risus eris pelago, ludibrinmq;, Notis.*

AD ODOARDVM FARNESIVM

Principem Serenissimum, & S. R. E.

Cardinalem Amplissimum.

*Dum rotat Herculeis in Belgas viribus enses
 Marte tuus melior, fortior atque pater:
 Assidue ipse rogas terręq;, polię, Monarcham,
 Subdant Hispano colla superba iugo:
 Non aure admittet surda tua vota DVARTES,
 Iusti audit voces, supplicis atque preces:
 Es Dux quo nostro nihil est laudatius ævo,
 Ob niueos mores præmia tanta meret.*

AD RANVTIVM FARNESIVM

Parmę, & Placent. Princip. Sereniss.

*A patre ALEXANDRO monstras te iure RANVTI
 Esse satum, in Gallos bella cruenta mouens:
 Scilicet est Latij Martus FARNESIA proles,
 Martis habet robur, Martia membra gerit.
 Rex Henrice licet te multo Vascone, multo
 Tentone te firmes, nobilibusq;, viris:
 Hoc iuvene aduerso, ne spera posse potiri
 Insesta Hispanis Celtidos imperio.
 Adde, quod hæretico regi nec regna, nec urbeis
 Christigenę gentis, donas habere Deus.*

DE ALEXANDRO FARNESIO

Parmę, & Placentię Duce Sereniss.

*In Graia, & Latia multi regione fuere
 Insignes armis, consilioq;, Duces:
 Maius ALEXANDRO nihil est hoc tempore nostro,
 Seu tu vis terra vincere, siue mari:
 Edomuit Belgas, genus insuperabile bello,
 Bistonio Aëtiacas sanguine tinxit aquas.*

Henrici

Henrici ferro, flammisq; Lutetia nuper
 Erepta est, ciues obsidione graui:
 Et decus, & laudes quas nos amisimus ante,
 Restituit Romæ, & gentibus Ausoniæ.
 Hunc ergo ut numen supplex veneretur Iberus:
 Italus obseruet: Trinacris ora colat:
 Ipse ego dum viuam, tollam super æthera cantu,
 Fiat ut Eois notus, & Hesperijs.

De Hermaphrodito. Ex Pulice antiquo poeta.

Quum mea me grauido gestares ventre creatrix,
 Quid pareret Diuum numina consuluit.
 Mas est Cypris ait: Mars femina: Iunoq; neutrum:
 Postmodo parturiens, me parit androginum:
 Quærenti funus; Cypris fluuiio: ense Gradiuus.
 Iuno cruce hic infans emoriatur ait.
 De ficu labens, ramo pes alter inhæsit:
 Verberat unda caput, ensis at ipse latus:
 Vera Venus dixit; Mauors: & Iuno. periui
 Nam mulier, neutrum, vir, fluuiio, ense, cruce.

Hoc idem epigramma sic olim vertit Politianus.

Quum mea me genitrix grauida gestares in aluo,
 Quid pareret fertur consuluisse Deos.
 Mas est, Phæbus ait: Mars femina: Iunoq; neutrum:
 Quumq; forem natus, hermaphroditus eram.
 Quærenti leihum, Iuno ait. occides armis:
 Mars cruce: Phæbus aquis: fors rata quaq; fuit.
 Arbor obumbrat aquas, ascendo, decedit ensis,
 Quem tuleram casu labor & ipse super:
 Pes hæsit ramis, caput incidit amne: tuliq;
 Famina, vir, neutrum, flumina, tela, crucem.

Ex Pallada.

Dum volat ex ramo in ramum Cysheëius ales:
 Esse putat volucrem Lyncus, & arma parat.
 Insidias puer insidijs eludere gestit,
 Seq; gemens simulat retibus implicitum.
 Currit hic ad prædam gaudens: ubi nouit Amorem,
 Erubuit: risit nequitiosus Amor.

Ex incerto. In Bauianum Merulam.

Quid Bauiane tumes imprudentissime? tantum

Quid

Quid tu te iactas, quum nihil ipse scias ?

Inter Grammaticos te censeres esse Platonem:

Grammaticumq̃, inter scita Platonis agis:

Inq̃, aliud fugis ex alio temerarie, quum sis

Tu nec Grammaticus, nec Plato, sed Merula.

Omnia scire tamen te dicis, & omnia nosse:

Es fons inscitiae, stultitiaeq̃, parens.

In eundem.

Inscius Aonidum Merula est, & carmina dictat,

Carmina quæ Baius, Manius atque legat.

Quid Tragicas Musas, quid Comica drammas tractas ?

Si nondum nosti quo pede carmen eat ?

Pondus iners terræ, fruges consumere natus,

Stultitia es totus, totus & inscitia.

In eundem.

Scribere si nescis quicquam sermone soluto,

Inter nec vatum nomina nomen habes;

Carmina quid scribis? quid scribis carmina, quæ sunt

Danda mari Adriaco, tardipediq̃, Deo?

Indoctum vel te Bauiane fateri: vel in te

Tincta Lycamæo sanguine tela feram.

In Henricum Vasconum regem.

Christigenas Gallos quid Marte scelestæ lacestis,

Vincta parans magnæ necere Franciadi?

Si trucis auxilio, & gazis confisus Elisæ,

Audes astrigero bella parare polo:

Te Deus est contra, contra est Ecclesia mater:

Consiliumq̃, tuum non probat alma fides.

Dum licet, inceptis Henrice absiste profanis,

Desine & immeritum conscelerare Deum:

Iratus ne te (disiecta ut mole, Gigantes

Sustulit) ad Stygias fulmine trumat aquas

Ex Leonida.

Se male sortiti sunt inter munera quondam

Hector Priamides, & Telamone satus:

Hector habet Zonam; gladium capitis impiger Ajax:

Ajax ense cadit: Hectora Zona trahit.

Sub Charite hac latuit fatum: lethalia dona

Sunt ea, quæ semper hostis ab hoste capit.

Hoc

Hoc idem epigramma Alciatus sic vertit .

Bellorum cepisse ferunt monumenta vicissim
 Scutiferum Aiacem , Hec̄toraq̄, Iliacum:
 Balthea Priamides, rigidum Telamonius ensẽ,
 Instrumenta sua cepit uterq̄, necis:
 Ensis enim Aiacem confecit : at Hec̄tor a functum
 Traxere Aemonijs cingula nexa rotis:
 Sic titulo obsequij qua mittunt hostibus hostes
 Munera, venturi præsicia fata ferunt.

Ex Incerto .

Timomachus matrem Medeam pinxit , & hostem:
 Ad cędem natos quum trahit, & retrahit:
 Impietas armat: pietas exarmat eandem :
 Vult etenim, & non vult parcere pignoribus.

Pomp. Guaricus sic transtulit.

Quod natos feritura ferox Medea moratur,
 Præstitit hoc magni dextera Timomachi :
 Tardat amor facinus : strictum dolor incitat ensẽ :
 Vult, non vult natos perdere & ipsa suos.

Ex Antiphilo:

Vt dives fieret Mus, tritum roserat aurum
 Sic tenuē, ut Libyci vilis arena maris :
 Intumuit venter dapibus : capiturq̄, per aedẽ
 A Domino, tardum dum latro carpit iter:
 Eximit ex utero furtum lacrymabile : Mures
 Attentas auri tu quoque sacra fames ?
 Fabius Pelusius ad Ia. Pelus. patrum suum ;
 Ne doleas, si te Merula indoctissimus odit,
 Es tua vipereo carmina felle notat:
 Ventorum celsę vexantur turbine turres:
 Aeriasq̄, domos fulmina dira petunt:
 Sunt humiles tutæ à Borea, Cauroq̄, myrica,
 Nec quatit Aeolius tectā pusilla furor.
 Quo magis es doctus, magis hoc mordeberis atro
 Dente : quis indoctis inuidet, atque nocet ?
 Hoc decus est ingens: hæc gloria maxima : quando
 Vel te Vergilius, vel Cicero ipse probat.
 Ludibrium plebi Merula est, stultoq̄, popello,
 Fabula & Aemonijs, fabula, & Ansonijs .

Finis Secundi Libri.